

陝西府縣志輯

中國地方志集成

康熙延綏鎮志
道光榆林府志

陝西府縣志輯 ③⑧

重脩延綏鎮志序

賜進士第原任翰林院檢討順治 大訓纂脩官清湖白乃貞廉叔父撰

國邑之有志昉於禹貢及周禮大司空所掌而漢書
因之作地里志後遂各為紀乘以志郡與邑是志也
者存其里野土風人官物由所以備稽詢而資治道
也我

國家奠鼎以來九有允綏四隅式廓誠為輿圖之極
盛矣今

天子躬理萬幾遠覽古今特

詔尚德綏刑期登比屋可封之治迺精簡才望分布
封疆如 大將軍許公都興雄鎮文算武昭美漢寧

文宣

一

謚 憲副使高公以清勤勵已威惠需洽荒餘悅服
斯時也內外臣工莫不仰符

睿慮加意民生海寓承流蒸養嚮化而又得嘉興譚
公以鳳閣右史出守延綏中路夫榆陽為延綏重鎮
地廣而無民無生業自昔為然公莅茲土政簡刑清
多方軫恤循猷種種表著西陲因念兵燹之餘舊志
散佚一切故實事宜無所稽考洵非細務也若撰輯
增刪未免勞心思而費物力矣公請諸 憲臺毅然
以纂脩為已任於是博採旁蒐網羅列僅通年而
書成 許 高兩公斟酌至當從捐俸付剞劂以傳
永永走四百餘里微序於余余竊病交侵筆研荒廢

然隸在編戶誼不敢辭雖僻居下邑未睹其志之詳
而生達

文治之光昌日聞輿人之歌誦知公為葉巖先生之
子葉巖先生昔以五經應制海內誦其文章且又與
余家大司寇若水公同年進士而公克繼之才名品
望世德淵源經緯錯綜恢恢乎有餘地則實心實政
真足以上報

聖朝求治之至意矣是書也不僅見公之麗藻鴻辭
而且規公他日之事業并傳不朽云
康熙十有二年歲在癸丑秋八月

延綏鎮志

卷八

二

延綏鎮志序

賜進士出身四川按察使司右參議前四川巡撫監察御史宣君楊素鑑若為

天下之勢在九邊而秦有其三三邊之功甲天下而榆林居其首榆林曠行無阻足據何師出輒以勁副曰其人忠勇勇可恃乎山川不習險易不明餉不籌兵不簡練器械不戒方略不嫻勇無能為也明末榆林之已事可鑒已闕逆百萬之師壓鎮城環攻旬日城不陷及陷猶殊死巷戰可不謂勇歟而卒以不保豈非以不習不明不善不簡練不戒不嫻之故哉然則何以習之曰高陂深谷之必悉也山川宜有志何以明之曰參纂鑒之宜講也地理城郭宜有志何

延綏鎮志

卷序

三

以善之練之戒之嫻之曰薊趙屯邊韓范閩泉將推孫李計宗鎔略之必預也兵食水利馬政軍器人物藝文宜有志此延綏志之所以作而舟石譚使君之所以為知務也使君之守延綏也留心邊事既熟悉其地之形勝與風俗矣已乃身閱三十六堡若者利戰若者利守若者先事而細繆久之石畫以定而志成焉攝其書過予問序予惟外史掌四方之志以貢天子郡國皆有志邊塞無志非無志也充國金城圖上介子蹶如搏兔頃刻之間變態風雲故密其機不以告人若無志然九邊考諸書何嘗不直指利弊耶今天下中外一家烽煙即寂無警而思患預防之

道弗可弛則志誠要也志二十四卷使君一手定之副憲高公大將軍許公相與有成其他則未能增減一字焉志山川地理城池也遠近以其方高下以其勢義取乎設伏設險而天文星野以觀象社稷學校以受成志兵食也詳多寡盈絀之數義取乎稽古以善今而水利以佐飛輓馬政以備信閑志官師人物藝文也重長子之選錄奇正之略義又取乎將將而摠策而紀事以昭往猶此意也其意將欲後之人歷其地讀其書思所以明之善之簡練之戒之嫻之而非徒以其文也使君真知務哉且夫志者志也作者之志也使君以董賈之才出入承明之廬補袞既

延綏鎮志

卷序

四

有其事矣今者職在城堡以志先後者志禦侮凡所規畫即未施之事其志不較然在人哉舊志鏡湖涂公纂於萬曆間合延綏二郡州縣為一書茲刪去不存者達塞有志原取乎習山川明險易籌餉練兵戒器械嫻方略而非徒以其文也白茲以往三軍勇矣而又有以習之明之善之簡練之戒之嫻之榆林之甲其可以加九邊幹不廛而皇國其永磐石矣若夫擴編揮聚散之學持例發凡祖之史稿精授藻歸之文則此書之餘事耳康熙十二年秋七月之望

重脩延綏鎮志姓氏

總裁

鎮守延綏等處地方掛印總兵官都督僉事許占魁
字文元陝西西安府蒲城縣人

監脩

延安府知府王廷弼

字調鼎廣東大埔縣人

纂脩

延綏府管理延綏各路城堡兼理屯田同知譚吉璵
字丹石浙江嘉興府嘉善縣人

之閱

綏德州知州祖允圖

字汝九盛京錦州府寧遠州人

米脂縣知縣黃離恪

字兩作廣東廣州府新會縣人

延綏鎮志

卷之六

一

清湖縣知縣江雯

字又章江南徽州府休寧縣人

榆林衛儒學教授王調元

字贊伯陝西漢中府洋縣人

綏德州儒學學正王思同

字廣貴陝西西安府醴泉縣人

考訂

原任安慶府監紀通判王世泰

字心亭陝西榆林衛人

榆林衛貢生呂開基

校正

榆林衛監生劉開基

延川縣儒學生員王鼎

榆林衛儒學生員米逢年

延綏鎮志目錄

卷之一

圖譜

天文志

地理志

卷之二

建置志

祠祀志

兵志

食志

卷之三

延綏鎮志

卷之六

官師志

卷之四

人物志上

人物志下



卷之五

選舉志

紀事志

卷之六

藝文志



天文志

漢書曰漢元年十二月五星聚於東井客謂張耳曰東井秦地漢王入秦五星從歲星聚當以義取天下此東井為秦地之明效也

卷之六

十度

嘗考

延平府志

卷一

17

卷之六

1



野雍州屬魁星則其斗東之言尤與周禮有合周禮曰馮相氏掌十有二辰二十有八星之位又曰保章氏以星土辨九州之地皆有分星以觀妖祥而箋之者以為星分之書已亡今可言者十有二次之分若鶉首之次在未為秦是已司馬氏即以東井與鬼屬之其郡國所入度雖非古數或東西南北有不依圖地而占之而自漢以來其言諸國皆有徵應乃知太史公著述之精意信而好古有如此後人生於千百年之下紛紛置辯有謂李淳風之非僧一行之是者將何所折中乎雖然羣言淆亂折諸聖今周禮具在而獨不之信者何哉嗟乎疇人分散天官之書多不

延綏鎮志

卷之二

二

學即知其一二者又雜出於傳會若隋代陳後主逃於井開府鮑宏謂東井上於天文為秦王都所在而投井以應之其為誕也甚矣故吾惟本之六經參之三史晉以下無取焉

歲時附

正月元旦鎮俗先一日門換桃符或貼宜春字夜半起以黃竹敬事天地祖禰恭拜父母及親戚之長者飲屠蘇酒而少而老

爆竹驅邪闌里交相拜節五日黎明掃除塵垢名送窮神是日飽食謂之填五窮六日炒黑豆撒於房壁名爆大甲七日用鞭著地上以艾莊灸之

秋人疾俗以疾七聲相近也十日名老鼠嫁女日是夜家人滅燭早寢恐驚之致羣相害殺麥蠶衣裳也十五日上天官誕辰俗所尤重街市備張燈火花砲及火場倡優戲樂士女聚觀焉是夜用麩為不托名燈錢注油然燈至十六日發作羹食之示收燈也曠時士女或往來於親戚家或載酒出郊外名散百病二十三夜聚賭羊骨雜燒之名煉乾俗諺曰大忌二十三太上老君不出庵煉乾者煉丹也桃符者一名桃板一名仙木其上或書神荼鬱壘字黃汗紙錢也三國志曰熹平中妖賊大起漢中有張修為五斗米道有病者請禱為法書作

延綏鎮志

卷之一

三

三迎其一上之天著山上其一埋之地其一沉之水謂之三官此三官之始也大場聚石炭如斗大者累作幢塔狀或獅象形然之通明竟夜不托者言舊未有刀机之時皆掌托烹之故名俗作縛託字今榆人以為燈錢者象形也楊雄方言餅謂之飢

二月朔日俗名開廟門龍神起剗羊以祭二日以灰圍宅舍謂之圍蚰蜒三日蚤取元旦所作黃米人磨和燒黑豆啖之謂之敲蠅子

磨平聲磨麥成麩使之使合併也稱磨者從其始也北方又謂之波矣一名胡餅言以胡麻著之前

趙錄曰石季龍改曰麻餅或麻磨之音訛與韻書有磨字

三月清明士女俱插柳毛拍葉於簷出城墓祭踏青郊外選勝飲酒謂之上野塋或分朋較射兒童競放風箏兩日乃止穀雨日貼厭蝎符於壁書咒其上曰穀雨曰穀雨晨奉請穀雨大將軍茶三錢酒四巡送蝎千里化為塵又書以吐賊毒字於四隅

析毛白楊芽也未放葉時其芒若毛然故名

四月八日為浴佛辰僧尼庵多作佛會街市散豆結緣

五月五日餽米糲縣艾葉插菖蒲午時書避兵靈符

市售長命絲經飲雄黃酒然以蚤而石以午也

六月六日雞初鳴作菘豆湯俗呼漿水遶明各搗至祖塋澆奠名解災熱人以後至者為不孝又泚水貯器中作麴醬及醋不穢敗取靈灰覆裹堯諸蟲畏之七月七夕婦女夜焚香設瓜果於庭祀河鼓織女亦有乞巧者瓜剖之有法如華狀十五日農家蚤向隴頭擇未之長茂者懸五色紙旗名曰田福慶秋成也是夜于佛寺作盂蘭會

八月十五日中秋瓜果餅賞月并以月餅相遺九月九日重陽節薦花糕採菊登高飲酒為時燕之遊

十月朔夜家家剪紙作寒衣焚於門外以送亡者

紙衣名縗一名鬼衣一名明衣既成式曰桐人起縗卿明衣起左伯桃挽歌起婦謳

十一月長至日以黍糕為饋

十二月八日謂之道德臘用黃黍作糜下油鹽於中謂之餅餅餅餅又用米豆八種為粥亦名臘八粥二十三夜祀竈神用糖餅以糖泥神口祝曰毋以惡事訴上帝也二十四日掃舍宇除夕老幼設席飲酒夜半不眠謂之守歲

糜少用水煮米使糜爛而稠以兆來歲百禾稠齊也昔陳元方季方炊忘箸簞飯成糜類是

延綏鎮志

卷之一

五

評曰榆人每逢佳節婦子相向而哭於門外蓋百戰之後遺戍者多而陣亡亦眾也去秋半碧澤橋初成余乘月上出城方循橋而西忽聞哭聲大作與波流相鳴咽余本恨人豈止雍門之泣哉昔張方平諫用兵書曰且夫戰勝之後陛下可得而知者凱旋捷奏拜表猶賀赫然耳目之觀耳至於遠方之民肝腦屠於白刃筋骨絕於饑餉流離破產鬻賣男女重服折臂自經之狀陛下必不得而見也慈父孝子孤臣寡婦之哭聲陛下必不得而聞也嗚呼聞方平之言而不心動者難矣

延綏鎮志卷之一

嘉興譚吉總重脩

延綏鎮志卷之一

地理志

延綏鎮在周為北狄春秋為白翟地戰國時屬趙秦
始皇三十二年命蒙恬略河南拓榆中地千里屬上
郡漢廣長榆為雲中郡及五原郡之南與縣地而榆
谿之水出焉所謂榆谿舊塞是也東漢因之晉為九
原雲中二縣地屬并州新興郡隋初置勝州煬帝初
州廢置榆林郡統縣三曰榆林富昌金河有榆林宮
東為榆林關唐武德中沒於梁師都師都平復置勝
州榆林郡領縣二曰榆林河清宋沒於趙德明為夏
境金元為米脂縣地明洪武初定陝西分綏德衛千
延綏鎮志

卷之一

戶劉寵七治正統中河套駁駁為患害特敕都督王
禎鎮守延綏城鎮舊治綏德而外寨米脂魚河地幾
三百里成化七年都御史王銳置榆林衛九年巡撫
都御史余子俊創議乃城榆林堡屹然稱巨鎮焉邊
壙起自黃甫川抵雙山十二營堡為東路神木道領
葭州暨府谷神木吳堡三縣起常樂抵清平十堡為
中路榆林道領綏德州米脂清澗兩縣起龍州抵鹽
場十五營堡為西路靖邊道領保安安定安塞三縣
轄衛四城堡三十六積截河套之口內復墾山湮谷
是曰天道東抵偏關西接寧夏綿亘千八百里而延
綏鎮之名自此始

國朝因之罷巡撫不設以慶陽延安二衛改隸州縣
而皆邊道亦併於榆林轄衛二營四城堡三十一

詳曰按地理志上榆中金城郡之屬縣故徐廣史記
音義曰即阮嗣宗勸進文所謂榆中以南者也然始
皇本紀西北逐戎人自榆中並河以東屬之陰山以
此推之則蘇林以榆中在上郡非矣然三十五年使
長子扶蘇北監蒙恬於上郡今之二家俱在綏德州
雕山之陰豈蒙恬略河南開榆中而仍置師於上郡
不可得而知也要之大漠止有亭障而無道里可稽
不過據虛空烏路計之而已榆中榆林何必為是紛
紛也且金城之南山有梁暉者為羌中渠帥移居枹
延綏鎮志

卷之二

二

軍以所執榆鞭監地本便成林即榆中亦有榆林之
名矣大抵塞外土宜榆枹余嘗北出居庸關至宣府
有驛而亦曰榆林焉即長城之間復有曰小榆林者
則知地之曰以榆者不一也故先王名之為荒服荒
者忽也簡略也得之矣

以上

延綏鎮城坐倚脫山為固西臨榆谿斧河諸水係極
衝中地東至常樂堡四十里至偏關五百里又東至米脂二百里南至
至寧夏一百里又西至固原一百里又西至西峽口一百三十五里西至德寧堡三十里
十三百七十里北至延綏八里成化九年都御史余子俊於舊
城北增築城垣置榆林衛指揮使司隸陝西都司二
十二年巡撫黃繼舉北城弘治五年巡撫熊綱展南
城周圍一十三里三百一十四步隆慶元年巡撫王

又自水西門起至信地樓止築邏城七里萬曆元年巡撫張守中修築高厚項潤三文底潤五丈高三丈六尺嘉靖時巡撫張珩隆慶時巡撫部先先萬曆時巡撫宋守約王汝梅憲副洪忻趙雲翔總兵傅津賈國忠周圓漸用磚甃共大樓一十五座腰鋪四十座東門二西門四南門一萬曆三十五年巡撫徐宗睿於城北十里築鎮北臺於教貢城高七丈層臺峻堞猶天險焉邊垣長三十一里零三百五十八步墩臺七十四座

保寧堡 東至鎮北臺三里西至漢國陰地四里南至漢國陰地四里北至大邊一里 舊古梁城明嘉靖四十

三年巡撫胡志遠創建城設在平地係極衝下地周延綏鎮志 卷之一 三

園凡二里一百四十步樓鋪七座萬曆六年重修九年參將戚士賢增東關邊垣長二十里墩臺三十六座

歸德堡 東至常樂堡八十里西至寧塞堡四里南至漢國陰地四里北至鎮北臺四里 唐党項州貞觀五年僑

治銀川境疑此明成化中余肅敏公北據虎都伯言置今堡城設在半山半川係腹裏中地周圍凡二里六十七步樓鋪一十五座嘉靖時氣關城萬曆五六

年重修

魚河堡 東至榆林名勝堂界六十五里西至寧塞堡四里南至漢國陰地四里北至鎮北臺四里 漢國陰地為黑上坑

塔明正統二年巡撫郭 置魚河砦於九股水成化十一年余子俊置今城撤魚兒河軍守之城設在平

川係腹裏上地周圍凡三里三百步樓鋪一十五座萬曆四年磚砌牌牆垛口

鎮川堡 南至大邊三里西至寧塞堡四里北至鎮北臺四里 新建城設在平川係腹裏上地周圍凡一里三分舊

綏保寧參將轄

巡撫郭 置八年移守平義堡九年余子俊撤平義

仍守響水城設在山坡係極衝中地周圍凡三里二百一十步樓鋪八座萬曆六十七年重修磚砌牌牆垛

口邊垣長一十九里零二百七十六步墩臺二十二

座 延綏鎮志 卷之一 四

波羅堡 東至寧塞堡四里西至漢國陰地四里南至漢國陰地四里北至大邊一里 漢白土縣地明

正統十年巡撫馬恭置城設在山畔係極衝中地周圍凡二里二百七十步樓鋪十座萬曆年間重修磚

砌牌牆垛口邊垣長三十五里零四十七步墩臺三十五座

懷遠堡 東至波羅堡四里西至威武堡四里南至寧塞堡四里北至大邊一里 漢白土縣地名為白家

梁天順中築堡撤土門堡軍守之城設在山上係極衝上地周圍凡二里零一十七步樓鋪十二座隆慶

六年加高萬曆六年磚砌牌牆垛口邊垣長四十三

里零三十七步墩臺二十七座

威武堡 東至懷遠堡四里西至清平堡四里南至寧塞堡四里北至大邊一里 漢白土縣地後為響鈴

塔明成化五年巡撫王銳置撤大免鵬堡軍守之城設在山阜係極衝上地周圍二百八十步樓鋪一十四座隆慶六年加高萬曆六年磚砌牌牆垛口邊垣長三十四里零三百二十一一步墩臺二十一一座

清平堡 東至成化堡四里西至龍州城五里南至雙山堡四十里西至鎮城三里 漢白土縣地後為磚營

兌明成化初巡撫王銳置撤白落城兵守之城設在山原係極衝中地周圍凡三百八十四步樓鋪一十三座隆慶六年加高萬曆六年磚砌牌牆垛口邊垣長三十一里零二百六十九步墩臺三十一座

常樂堡 南至鳳州一百四十里北至大城三里東至雙山堡四十里西至鎮城三里 漢榆谿地又名岔

河兌明成化間巡撫盧祥置弘治二年巡撫劉忠因

延綏鎮志 卷之一 五

地沙磧缺水北建二十里建今堡城設在平川係極衝中地城垣周圍凡三里零五十步樓鋪一十五座

萬曆六年重修邊垣長一十八里零一百七十六步墩臺三十七座

雙山堡 東至定邊一百一十里南至樂星四十里西至大城三里 漢真鄉縣地明正

統二年巡撫郭榮水地灣寨成化間巡撫余子俊

移築今堡併折樹會兵守之萬曆六年重修城設在山岡係極衝中地城垣周圍凡三里零九十步樓鋪

一十四座邊垣長三十里零四十五步墩臺四十座

建安堡 東至高安堡四里西至雙山堡五里南至黃河一百一十里北至大邊五里 漢固陽縣地後為

中以上

碓寺子明成化十年巡撫余子俊增置城設在山畔係極衝上地周圍凡二里零一百七十二步樓鋪一十五座萬曆三十五年巡撫涂宗濬用磚包砌邊牆

長二十里零八十一一步墩臺二十三座

高家堡 南至鳳州一百六十里北至大邊三里東至榆林堡四十里西至建安堡四十里 唐豐州地宋飛鵝

川元彌川巡檢司明正統四年巡撫陳鑑建後余子

俊屢修城設在平川係極衝上地周圍凡三里零二

十九步樓鋪一十五座萬曆三十五年巡撫涂宗濬

用磚包砌邊垣長四十二里零二百三十八步墩臺

四十四座

栢林堡 東至栢油堡二十里西至高家堡四十里南至黃河一十二里北至大邊一里 唐勝州地產栢故

延綏鎮志 卷之一 六

名明成化初巡撫盧祥置城設在山原係極衝下地

周圍凡二里零一十二步樓鋪八座萬曆三十五年

巡撫涂宗濬用磚包砌邊垣長四十三里零一十六

步墩臺二十六座

大栢油堡 南至高安堡一百二十里北至大邊三里東至神木堡三十里西至栢林堡二十里 唐麟州地明弘

治初置城設在山原係極衝下地周圍凡二里零九

十二步樓鋪一十二座萬曆三十五年巡撫涂宗濬

用磚包砌邊垣長二十七里零三百三十步墩臺一

十七座

神木堡 東至水興堡四十里南至大栢油堡四十里南至黃河一百二十里北至大邊四十里 春秋屬趙漢五

原新秦魏朔州隋豐州後周為銀勝二州唐麟州地

春秋屬趙漢五

春秋屬趙漢五

春秋屬趙漢五

春秋屬趙漢五

春秋屬趙漢五

春秋屬趙漢五

春秋屬趙漢五

春秋屬趙漢五

春秋屬趙漢五

春秋屬趙漢五

春秋屬趙漢五

春秋屬趙漢五

春秋屬趙漢五

春秋屬趙漢五

春秋屬趙漢五

宋移治吳克堡改鎮西軍後為神木寨元置雲州明為神木縣後因為堡城設在平川係極衝中地周圍凡五里零七十步樓鋪三十三座隆慶五年加高萬曆六十七年用磚包砌邊垣長七十五里零八十六步墩臺六十座

永興堡 東至鎮羌堡三十七里西至初介堡五里南至黃河九十里北至大邊一十三里 隋連谷縣唐麟州

郡宋為黑城兒明成化中余子俊遣鎮羌指揮宋祥置城設在山上係次衝中地周圍凡二里零二十五步樓鋪八座萬曆三十五年巡撫徐宗濬用磚包砌邊垣長六十二里零八十六步墩臺三十九座

鎮羌堡 南至所谷縣八十里北至大邊一十里東至孤山堡四十里西至永興堡四十里 隋連谷縣地唐麟

延綏鎮志 卷之一 七

州郡明始守東村成化二年巡撫盧祥置城設在山原係極衝中地周圍凡二里零二百二十九步樓鋪十座萬曆三十五年巡撫徐宗濬用磚包砌邊垣長四十五里零一百一十九步墩臺二十九座

孤山堡 東至木瓜園堡四十里西至鎮羌堡四里南至所谷縣四十里北至大邊一十五里 唐勝州地後為

孤圪塔馬營明正統二年巡撫郭置堡西山成化

初移置今堡城設在山畔係次衝上地周圍凡三里零三十四步樓鋪一十四座萬曆三十五年巡撫徐宗濬用磚包砌邊垣長三十七里零二百五十五步墩臺五十座

木瓜園堡 東至清水營三十里西至孤山堡四里南至所谷縣五十里北至大邊四十里 唐勝州地明成

化十六年設堡諒孤山二十三年展中城弘治十四年募軍治為新城城設在山上係次衝上地周圍凡三里零九十步樓鋪一十七座萬曆三十五年巡撫徐宗濬用磚包砌邊垣長三十三里零一百五十四步墩臺三十二座

清水營 東至黃南川一十五里西至木瓜園堡三十里南至所谷縣八十里北至大邊二十里 唐勝州地宋屬

府州路元為芑州明成化二年巡撫盧祥置撤府谷縣兵守之城設在山坡係次衝中地城周圍凡三里一十八步樓鋪一十九座萬曆三十五年巡撫徐宗濬用磚包砌新修關城三里二百九十八步邊垣長三十二里零二百步墩臺三十二座

延綏鎮志 卷之一 八

黃甫川堡 東至黃河三十里西至清水營一十五里南至所谷縣九十五里北至大邊二十里 春秋趙地唐勝

州宋府州地明天順中清水營弘治初始添設關城城設在山畔係次衝中地周圍凡三里零二百七十四步樓鋪十六座萬曆三十五年巡撫徐宗濬用磚包砌邊垣長三十里零二百一十步墩臺二十八座

龍州城 東至清水營三十五里西至鎮羌堡四十里南至延安府三百里北至大邊五里 漢為龍州宋夏州

右堡皆為范仲淹哨馬營明成化五年巡撫王銳建城設在平地係極衝中地周圍凡二里三百一十六步樓鋪九座隆慶六年加高萬曆六年磚砌牌牆垛口邊垣長三十四里墩臺二十五座

鎮靖堡 東至龍州城四十里西至靖邊營八十里南至延安府三百里北至大邊二里 宋夏州地後為白

離兒明初始守塞門成化五年巡撫王銳進守筆架

城八年余子俊移兵守之城設在山畔係極衝中地

周圍凡四里三分樓鋪一十九座隆慶六年加高萬

曆六年磚砌牌牆垛口邊垣長四十七里墩臺四十

三座

鎮羅堡 南至延安府三百里北至大邊半里東至鎮靖堡四十里西至靖邊營四里 宋夏州地域設在

平川係極衝中地周圍凡三百七丈邊垣長三十里

墩臺一十座

靖邊營 東至鎮羅堡四十里西至塞堡四十五里南至延安府三百二十里北至大邊一里 宋夏州兀喇城

保安軍范仲淹即其東西築哨馬營明景泰四年巡

延綏鎮志 卷之一 九

撫陸矩改築新城成化十一年余子俊改置靖邊營

撤保安兵守之城設在平原係極衝上地周圍凡八

里樓鋪二十九座隆慶六年加高萬曆六年磚砌牌

牆垛口邊垣長四十五里墩臺三十二座

寧塞堡 東至靖邊營四里西至北都河三十四里南至保安縣一百四十里北至大邊二里 宋夏州地舊屬

榜拔城明成化十一年置堡撤三岔堡兵守之城設

在山原係極衝中地周圍凡四里三分樓鋪一十八

座隆慶六年加高萬曆六年磚砌牌牆垛口邊垣長

五十四里零二百八十步墩臺五十四座

把都河堡 東至寧塞堡三十四里西至永濟堡三十三里南至保安縣一百二十里北至大邊二十里 宋夏州地明

始守柝樹澗成化九年余子俊置城周圍凡三里一

百八十步樓鋪一十一座隆慶六年加高萬曆六年

磚砌牌牆垛口今裁併寧塞

柝樹澗堡 東至寧塞堡

柝樹澗故名明始設堡成化九年余子俊奏守永濟

嘉靖三十七年巡撫董威築舊堡復自永濟移守於

此城設在山上係極衝中地周圍凡三里七分樓鋪

一十八座隆慶六年加高萬曆六年磚砌牌牆垛口

邊垣長三十三里零二百三十六步墩臺四十八座

新安邊營 東至永濟堡三十三里西至新樂堡四十里南至慶陽府五百里北至舊安邊六十里 宋夏州深河兒

地中山坡明成化十一年余子俊置今堡撤舊安邊

兵守之城設在山坡係極衝中地周圍凡四里三十

延綏鎮志 卷之一 十

五步樓鋪一十四座隆慶六年加高邊垣長一十二

里墩臺一十七座

舊安邊營 東至柝樹澗四十里西至碑井堡五十里南至新安邊六十里北至大邊一里 宋鹽井地後為

深井明正統二年巡撫郭 置成化十一年改置新

安邊營成化末以定邊孤懸復守今營城設在平州

係極衝中地周圍凡四里三分樓鋪二十座隆慶六

年加高萬曆六年磚砌牌牆垛口邊垣長三十三里

零二十三步墩臺五十一座

新興堡 東至新安邊七十里西至石塔地堡四十里南至走馬城一百里北至碑井堡八十里 宋夏州地舊有

東西海螺二城明初始守碑井成化十一年余子俊

始即東海螺設今堡城設在山上係次衝中地周圍

凡一里一百四十六步樓鋪八座隆慶六年重修萬曆六年加高邊垣長七里墩臺一十一座今裁併定邊營

磚井堡東至舊安邊四十里西至定邊營五十里南至新堡一百里北至大邊一里宋鹽州地舊新興堡有古井以磚甃者故名明正統二年巡撫郭置

城設在平川係極衝上地周圍凡三里二百五十步樓鋪一十二座萬曆六年加高磚砌牌牆垛口邊垣長一十七里墩臺二十二座

石勞池東至新堡四十里西至三山堡六十里南至慶陽府三百里北至定邊營一百里宋鹽池地水南不可飲東有勞池堡人汲者便之故名明初守磚井

成化十一年余子俊增築堡城設在山上係次衝上延綏鎮志

卷之一

十一

地周圍凡三里一百八十四步樓鋪三座萬曆三年加高邊垣長九里零二百七十四步墩臺一十四座今裁併定邊營

三山堡東至石勞池六十里西至花馬池一百五十里南至五里堡七十里北至定邊營九十里宋鹽池地三山

兒明參將岳嵩退保余子俊撤磚井兵守之成化九年始增築城設在山畔係次衝中地周圍凡二里二百四十步樓鋪三座萬曆三年加高邊垣長五里墩臺八座今裁併定邊營

定邊營東至磚井堡五十里西至花馬池六十里南至石勞池一百里北至大邊五十步秦漢北地郡地後魏大興郡西魏改五原郡兼置西安州以近鹽改鹽

州隋初廢煬帝置鹽州郡唐初為梁師都所陷武德

元年收復鹽州更五原郡設都督府貞元二年沒吐蕃九年復城之領縣二曰五原白池宋咸平中陷於夏明正統二年置定邊營嘉靖中遊擊梁震設關城城設在平川係極衝上地周圍凡四里一百七十五步樓鋪二十八座萬曆元年展西關三四兩年加高六年磚砌牌牆垛口邊垣長五十四里墩臺七十七座

鹽場堡東至定邊營二里西至花馬池明成化十三年余子俊置堡城設在平川係極衝甲地周圍凡二里三分樓鋪九座弘治四年巡撫劉忠增修萬曆三年加高

饒陽水堡東至沙家營五十里西至寧夏城一百二十里南至紅墩城九十里北至三山堡四十里宋夏州地

卷之一

十二

饒陽水頭古蕭關明成化十三年余子俊置隸慶陽衛十五年巡撫丁川改屬本鎮城設在腹裏周圍凡二里三十步樓鋪八座萬曆二年重修今裁併定邊營

附記

河套東接山西偏頭關西至寧夏鎮相距二十里而遙南則限以邊牆北瀕黃河遠者八九百里六七百里近者亦二三百里惟黃甫川之南焦家坪及樓壩灘羊圈渡口為最近其地東北有大山而河流其中瀕河之地往往有城郭皆漢縣也河水自富平故城而來東北逕渾懷障都尉之所治而障之西南有忻